

# Ծանուցում

գրքահավաքին կարող եք մասնակցել նվիրաբերելով

- գրականագիտական
- լեզվաբանական
- Հայ ժողովրդի պատմություն
- Արցախի պատմությանը նվիրված
- ուսումնա-մեթոդական
- գեղարվեստական
- տնտեսագիտական
- իրավագիտական
- տեխնոլոգիական
- մանկական գրքեր

## Սիրելի՛ հայրենակից, Հարգելի՛ գործընկեր

44-օրյա պատերազմի արդյունքում այլ ենթակառուցվածքային կորուստների հետ մեծ վնասներ է կրել նաև Արցախի Հանրապետության գրադարանային համակարգը. 127 կենտրոնական և դպրոցական գործող գրադարան՝ շուրջ 650000 գրքային ֆոնդով դուրս են մնացել Արցախի վերահսկողությունից՝ դադարելով ծառայել իրենց նպատակին:

Հայկական գրադարանային ասոցիացիան և Հայաստանի հրատարակիչների ազգային ասոցիացիան Հայաստանի Հանրապետության և Արցախի Հանրապետության կրթության, գիտության, մշակույթի և սպորտի նախարարությունների աջակցությամբ, գիտակցելով, որ այսօր հատկապես ազգային ինքնության պահպանման և երիտասարդ սերնդի ինքնագիտակցության բարձրացման գործում աներկբա է գրադարանների կայուն և արդյունավետ գործունեությունը, և ի գորակցություն Արցախի բնակչության նախաձեռնել են **«Գիրքը Արցախին սպեղանի»** խորագրով գրքահավաք, որը քայլ է մեղմելու գրքային հավաքածուի կորուստը և կարևոր է հետպատերազմյան Արցախի կրթամշակութային կյանքի ակտիվացման ու համաչափ զարգացման առումով: Արցախցի մեր հայրենակիցների գրքասպասարկման գործընթացին օժանդակելու նպատակով Դուք ևս կարող եք ունենալ Ձեր ներդրումը, որը հնարավորություն կստեղծի վերականգնելու կորսված գրադարանային հավաքածուն: Ուստի ակնկալում ենք Ձեր մասնակցությունը գրքահավաքին: Կանխավ հայտնում ենք մեր երախտագիտությունը:

**Խնդրում ենք գրքերը հանձնել ստորև բերված հասցեով, փաթեթի վրա նշելով անհատ նվիրատուի կամ կազմակերպության տվյալները:**

**Հասցե՝ 0001, Երևան, Տերյան փող., 42/1 շենք  
Խնկո Ապր անվան ազգային մանկական գրադարան**

**Հեռախոս՝ 010 521222**